



Corrosion Solutions Norway AS
Hagellia 6
5914 ISDALSTØ

Referanser:
Dykkar: Ref.:PJFYH4- Skjemanr.:4378
Vår: 16/268 - 16/33822

Saksbehandlar:
Tove Mette Arnø Fyllingen
ftm@lindas.kommune.no

Dato:
09.12.2016

Søknad om tilskot

Vedlagt følgjer saksutgreiing med vedtak.

Med helsing
Tove Mette Arnø Fyllingen
avdelingsleiar

Dokumentet er signert elektronisk.



Andre mottakarar:

Corrosion Solutions Norway AS

Jorunn K Fosse

SAKSPAPIR

Saksnr	Utval	Type	Dato
150/16	Formannskapet	PS	08.12.2016

Saksbehandlar	ArkivsakID
Øystein Sørhaug	16/268

Corrosion Solutions - søknad på næringsfond

Vedlegg :

Søknad om tilskot

Rådmannen sitt framlegg til vedtak

Lindås kommune løyer 150.000kr til det omsøkte prosjektet «utvikling av effektiviserande verktøy og opplæring»

Formannskapet - 150/16

FO - behandling:

Næringsjef Øystein Sørhaug orienterte om sakene.

Rådmannen sitt framlegg vart samråystes vedteke.

FO - vedtak:

Lindås kommune løyer 150.000kr til det omsøkte prosjektet «utvikling av effektiviserande verktøy og opplæring»

Saksopplysningar:

Politisk handsaming

Saka skal avgjerast i Formannskapet

Bakgrunn

Corrision Solutions (CS) er ei nyestablaert verksemd tilknytta IUV-miljøet i Knarvik. CS skal byggje seg opp som eit serviceselskap og levera varer, tenester og teknologi innanfor preservering og vedlikehald. Dei har den siste tida spesiellisert seg på å ta i bruk ein ny og unik overflatebehandling som vil redusera korrasjon og beskytta installasjonar og utstyr mot degradering og slitasje. Materialet skal vera overlegent alt som finst på marknaden i dag. Til dette har dei fått til ein «distribution agreement» med Oxifree Ltd på 5+5 år. Avtalen gjer altså CS einerett til eit basisprodukt som nemnd ovanfor – men som og gjer at verksemda kan utvikla nye produkt og nye tenester innan korrasjonsvern.

Verksemda fekk 50.000kr i støtte frå næringsfondet våren 2016, og har levert inn sluttrapport for dette prosjektet.

Verksemda har gjennomført marknadsavklaringsfase, som har identifisert drivare for vidare kommersialisering mot marknad. I løpet av vår 2017 skal verksemda ha utvikla metodikk/verktøy for korleis ein kan starta utførande preservering på utstyr i Mongstad-miljøet.

Det omsøkte prosjektet skal resultera i at ein får på plass former og produksjonsmetodar hos leverandørar i Nordhordland.

Verksemda ønskjer å utvikla to nye produkt som vil vera tilpassa eksisterande tenesteprofil.

Kostnadsaktivitetane i prosjektet er oppgitt til å vera:

· Design og utvikling av prototype	150.000 kr
· Produsere pilotserie	500.000 kr
· Test av pilotar	200.000 kr
· Opplæring i bruk av teknologi	100.000 kr

Totale prosjektkostnadar 950.000 kr. Prosjektet ber næringsfondet om 200.000 kr (21%).

Vurdering

Næringsfondet til Lindås kommune skal spesielt prioritera prosjekt innanfor industriutvikling, kompetanseheving, marknadsføring/profilering og samarbeidstiltak. Vidare skal det vurderast etter skjøn gjennomføringsevne, sysselsettingsbidrag/-effekt, marknadshensyn og konkurranseomsyn. Det er også nokre kapitalgrenser som er satt i retningslinjene til fondet.

I det omsøkte prosjektet vil både samarbeidstiltak og kompetanseutvikling blant desse aktørane vere viktige vurderingskriteria.

Spesielt kjekt er det at verksemda og prosjektet ønskjer eit tydeleg utviklingsløp, og kor både Nordhordland har potensielt fleire samarbeidspartnarar men og mange aktørar som kan vera representert på marknadssida. Verksemda kan klart skapa fleire arbeidsplassar.

Strategiane til felles strategisk næringsplan Lindås og Austrheim vil og vere relevant for vurdering av støtta:

1. Ny industrireising på Mongstad (nyskaping, entreprenørskap)
2. Ein synleg og tydeleg region (profilering, omdømme)
3. Ein attraktiv bu- og opplevingsregion (reiseliv, turisme, oppleveling, landbruk, kultur)
4. Aktivt, positivt vertskap (kompetanseutvikling, entreprenørskap)

Her vil fleire strategiar vere relevant, for eksempel gjeld det ny industrireising på Mongstad og også med eit tydeleg fokus på nyskaping og entreprenørskap.

Interkommunal nærings- og samfunnsplan for region Nordhordland 2016-2025 har definert 4 fokusområder, deriblant næringsliv og innovasjon/gründerskap. Det overordna målet er definert som at næringslivet skal vera nyskapande og robust. Det er ein strategi i planen at

ein skal stimulere til meir teknologi- og produktutvikling.

Planen er vedteken av Lindås kommune og fleire av måla og strategiane er passande til det omsøkte prosjektet.

Den regionale næringsplanen til Hordaland 2013-2017 er og tydeleg på at ein ønskjer enno meir entreprenørskap og innovasjon, herunder fleire gode gründarar og fleire vekstkriftige verksemder. Det betyr i praksis at ein må bidra til finansiering av verksemder i tidleg fase og til utviklingsprosjekt med risiko, som det også står eksplisitt om i planen.

Planen er vedteken av Lindås kommune og det ovanståande vil vera relevant i den samla vurderinga av det omsøkte prosjektet.

Strategisk næringsplan for Bergensregionen er og tydeleg på at rammvilkår til næringslivet er eit sentralt poeng kor det offentlige kan bidra og bistå med å avlaste og redusere prosjektrisiko og tildele økonomiske tilskott. Planen peikar og på innovasjon- og entreprenørskapssatsingar som viktige bidrag for næringsutvikling.

Planen er vedteken av Lindås kommune.

Etter ei samla vurdering ønskjer Lindås kommune å løyve 150.000kr til det omsøkte prosjektet (15,8%).

Lindås kommune ønskjer lukke til med prosjektet og at støtta kjem godt med!

Kva ligg til grunn for støtta?

- Tilskot må tilbakebetalast viss det ikkje vert gjennomført etter planen – ref retningslinjene. «Etter planen» vil sei foreliggjande søknad til næringsfondet og eventuelle vedlegg.
- I retningslinjene til fondet står det at 50% av tilsagnet kan utbetalast ved oppstart og at resten vert utbetalalt når investeringar er i samsvar med søknaden. Det er søker sitt ansvar å dokumentera at investeringar er i samsvar med søknaden for å få utbetalalt dei siste 50%
- Får verksemda mediaomtale ønskjer Lindås kommune at det vert opplyst at Lindås kommune har vore med på å støtta prosjektet.
- Det skal leggjast fram rekneskap etter at prosjektet er gjennomført – ref retningslinjene.
- For å betala tilskotet ut på forskot, ber me om å få tilsendt eit kontonummer, dvs. send ein e-post til oystein.sorhaug@lindas.kommune.no og med e-post overskrift «utbetalingsanmodning for [prosjekttittel] og [verksemd]».